



UNIVERSITÄTS-
BIBLIOTHEK
PADERBORN

Universitätsbibliothek Paderborn

R. P. Lvdovici De Ponte, Societatis Iesv, Meditationvm De Praecipvis Fidei Nostrae Mysteriis

Vitae Ac Passionis D. N. Iesv Christi; B.V. Mariae, & aliquorum Sanctorum

Qvae Mysteria Resvrrrectionis, Apparitionis, & Ascensionis, vsq[ue] ad
Spiritus Sancti Aduentum & Euangelij promulgationem, complectitur

Puente, Luis de la

Coloniae, Anno M.DC.XII.

Med. 36. De Assumptione B. Virg. quo ad eius corpus.

[urn:nbn:de:hbz:466:1-38195](https://nbn-resolving.org/urn:nbn:de:hbz:466:1-38195)

MEDITATIO XXXVI.

DE ASSUMPTIONE B.
Virginis, quo ad corpus; &
quem locum occupet in
coelo Empyreo.

PUNCTVM. I.



PRI MV M, consideranda est incorruptio corporis sacratissimæ Virginis in illo triduo, quo mansit in sepulchro, conseruante Deo eadem eius integritatem; quam habebat in vita. Nam etsi Virgo hæc sanctissima concepta fuerit naturali more cæterorum hominum; tamen speciali priuilegio fuit eius anima corruptione & macula culpæ originis præseruata, vt suo loco dictum est; ita, etsi naturalem mortem obierit, sicut cæteri filij Adam; speciali tamen priuilegio fuit eius corpus præseruatum à corruptione, quæ fuit pena culpæ; ita vt non inciderit ipsa in illam maledictionem, quam Deus intulit hominibus cum dixit: *quia n̄ puluis es, & in puluerem reuertaris.*

I.

Huius priuilegij tres fuerunt causæ. Prima fuit in præmium virginalis eius puritatis, quæ, vt fuit prodigiosa, & nunquam prius adita, propter magnam eius firmitatem ex voto, & maxima constantia, per totam vitam

p. 2. Medit.
3.

in Gen. 3. 19.

decebat reddi illi præmium prodigiosum & extraordinarium; sed illi tamē accommodatissimum, vt seruaretur corporis aded puri integritas absque vlla corruptione per totam æternitatem.

Secunda causa fuit in præmium extraordinariæ & altissimæ puritatis & sanctitatis animæ eius: quia nullus vnquam culpæ vermis illā momordit, nullus peccati puluis infecit, nec vel odor aliquis Adami terreni: quare iustū omnino erat, ne vermes eius corpus tangerent, aut illud in terram, aut pulueres conuerteretur; sed integrum omnino maneret, sicut mansit corpus Adami cælestis, ob cuius sanctitatē dixit Dauid: o non dabis Sanctum tuum videre corruptionem.

o Psal. 15.
10.

III.

HINC Tertia oritur causa: quia sic decebat honorē ipsius Christi Domini, cuius caro erat quasi vna eademque cum carne purissimæ suæ Matris, ex qua illa fuerat assumpta: & vt illius caro nullam experta fuit corruptionem, ita (Sancto Augustino teste) consentaneum omnino erat, nec ipsam carnem Matris, in qua, certo quodam modo, filij caro erat, corruptionem experiri. O sacratissima mater Iesu, arca noui testamenti, de lignis Serim incorruptilibus compacta, laminis ex auro purissimo cooperta, vt digna esses habitatio eius, qui est propiciatorium totius mundi; ex animo gaudeo, de tui corporis incorruptibilitate, ac de purissimo tuarum virtutum auro, quibus tuum spiritum exornasti:

Impe.

p. Petri. 3

4.

Impetra mihi, ô Virgo Suprema, *incorruptibilitatem illam quieti & modesti spiritui, quæ est in conspectu Dei locuples*; ut liberans animam meam ab omni corruptione culpæ, tu quoque corpus meum suo tempore liberum a corruptione, quam meretur ob culpam.

PUNCTVM II.

DEINDE consideranda est ipsa corporis sanctissimæ Virginis Resurrectio, quæ tertio die prodijt è sepulchro, viuum & glorificatum, virtute & omnipotentia filij sui cui parum visum est, se facturum, si corpus Matris suæ, vsque ad generalis resurrectionis diem, incorruptum conseruaret: ideoque voluit tempus illud præuenire, & tertio die illam resuscitare. Huius fauoris & privilegij *prima* causa fuit, quia, cum Dei Filius tantum de matrem suam amaret, voluit non solum eam facere voti copotem, in eo, ut sacratissima eius anima Deum videret, sed & naturalem eius desiderium, se iterum corpori coniungendi voluit explere: quod desiderium habent animæ relictorum beatorum, de quibus dicitur in Apocalipsi, quod *clament* voce sua desiderio magno resurrectionem suorum corporum. Et quandoquidem corpus & anima Virginis sanctissimæ, coniunctissima semper fuerunt & conformia, ad complendam Deum voluntatem: decebat, ut Deus ita illam

a Apocal. 6.

11.

S. Grego. 2.

Moral. c. 6.

uniret; ut eadem conformitate, æternum ipsum laudarent.

Secunda causa fuit, ut spem nobis faceret nostræ resurrectionis, credentibus quod non solum Christus ipse verus Deus & homo, sed eius quoque Mater, quæ pura erat creatura, resurrexerit: & eadem ratione, magna in nobis excitaret desideria, eundi ad eam videndam. *b* *quærentes non quæ sunt super terram, sed quæ sursum sunt in Cælo, vbi Christus est, & eius mater, ad ipsius dextram sedens.*

II.

b Colos. 3.1.

Tertia causa fuit, ut cum omni proprietate, ex tunc vsque ad diem iudicij, & in æternum conservaretur in Virgine nomen MATRIS DEI: quod nomen propriè non competit soli animæ, sed composito ex corpore & anima. *Item*, ut posset in Cælo plenè facere pro nobis officium Matris & Aduocatæ, placantis indignationem Filij, ostendendo illi suum pectus, sicut Filius ipse placat iram Patris; ostendens illi vulnera sua: & ita haberet ipse in Cælo *c* *adiutoriũ simile sibi*, in gloria animæ & corporis, sicut habuit Adamus in Paradiso. *c* *Genes. 2.*

III.

c *Genes. 2.*

PROPTER has causas, & alias in præcedente puncto allatas, decreuit Deus, Matrem suam Sanctissimam tertio die resuscitare, coniungens animam corpori. O quanta fuit huius Domini lætitia, ex hoc nouo beneficio! & quam ex corde ac serio renouauit tertia illa die, consuetum suum canticum: *Magnificat anima mea Dominum, & exultet Spiritus*

meus

meus in Deo salutari meo: quia fecit in me magna, qui potens est: Dum animam & corpus meum glorificauit. O quanto gaudio affectu fuit illud corpus, cum se vidit sacratissime suæ animæ recens coniunctum; & accepisse per eam quatuor illas gloriæ dotes! fuit factum millies splendidius sole, & sine vlla comparatione pulchrius quàm plena Luna mansit iam immortale, impassibile, agile, & totum spirituale; sine vlllo timore famis, aut frigoris, aut defatigationis, aut alterius aliquid cuius miseræ: quia hæc omnia cessarunt, cum ad nouam vitam resurrexit, nunquam amplius moriturum! Gratias tibi, Verbum æternum, pro nouo hoc, adeoque singulari favore Matri tuæ exhibito, consulens hac ratione tuo & illius honori: siquidem gloria est filiorum, parentes habere gloriosos. Ex anima gaudeo, & tibi congratulor, Virgo gloriosissima, de hoc nouo priuilegio, hodie tibi Filio tuo concesso, quo ille animæ tuæ desiderium impleuit, glorificans corpus tuum à similitudinem corporis sui, intercedo pro me apud ipsum, ostendens illi pectus tuum, quod eidem infantulo præbuiisti, vt impleat quæque desideria animæ meæ, adiuuans me, vt in hac vita seruiam illi ita fideliter, vt postea glorificer plenè in futura.

Amen.

PVNCTVM. III.

CONSIDERANDA Tertio est Assumptio corporis glorificati, Sanctissimæ Virginis, in Cælum. Et quamuis ipse modus quo assumptum est, non sit nobis notus, licet tamen illum, ad similitudinem ascensionis ipsius CHRISTI, meditari, cogitantes, Virginis resurrectionem ita factam fuisse, ut Sanctissima eius anima ad corpus veniret, illique vniretur; sicut futurum est in generali resurrectione, in die Iudicij.

CYSTODIEBANT sepulchrum millia Angelorum, cælestes musicas cantantium, (ut supra est dictum) qui inde ad Christum Dominum nostrum clamantes, dixerint fortè illud Psalmi: *surge Domine in requiem tuam, tu & Arca Sanctificationis tuæ.* Nam tua requies erit, tecum deducere Arcam, in qua infinitus Sanctitatis thesaurus fuerat depositus.

Et mox suprema hæc Arca ascendere cepit in vlnis Cherubinorum, & Seraphinorum; penetrantium ingentibus ineffabilis gaudij & lætitiæ iubilis per aëra & omnes cælos, vsque ad ipsum Empyreum. Excepit illam summa voluptate dilectus eius Filius, *inferens illam, sicut Salomon fecerat in Sanctum Sanctorum, in locum scilicet altissimum illius templi cælestis, & coronauit, eam, sicut Arcam, corona ex auro purissimo, circumdans totum eius corpus ineffabili quadam*

I.

a Psal. 134.
8.

II.

b 3. Reg. 8.
6.c Exodi. 25.
11.

clari-

claritate & pulchritudine, quæ ipsius Emperatoris cæli, in quo iam erat, Splendorem superabat. O quàm fuit clarius redditum illud cælum, renouatum lumine talis solis & talis lunæ, qualis Christus erat, & Mater eius! O quàm læti Angeli, ex gloria talis Reginæ, cuius intercessione sperabāt, reparandas fore sedes illius regni! O quàm hilares reliqui beati, ob gloriatam matris; qua mediare, fiduciam habebant, se visuros innumeros homines cæli incolæ. O quàm fuit contenta humilima hæc Mater, cum se vidit, ex infimo terræ, ad locum altissimum Cæli supremi euectam! Gaudeo o Mater sanctissima, de duplici stella gloriæ tibi data, altera animæ, sicut cæteris beatis; altera ex speciali priuilegio statim pro tuo corpore abundè impleuit filius tuus sua promissa, siquidem dedit tibi *coronam pro cinere, oleum gaudij pro luctu, & pallium laudis pro Spiritu maritoris; & vult, vt statim, in terra ista tua, duplicia possideas præmia, cum lætitia sempiterna.* Eleua Mater Sanctissima Spiritum meum in cælum, vbi ad dextram filij tui sedes; patet enim vbi Mater est, & filios esse; & vbi est corpus, ibi etiam congregantur & aquila. O mihi alæ darentur aquilæ, vt in altum volarem contemplerer gloriam corporis glorificati huius virginis! Surge, anima mea, ingenti gaudio, ascendens supra te ipsam, & supra omnem creaturam, & oblita rerum terrenarum suspira cœlestes, vbi est Pater tuus cœlestis & Mater tua glorificata. Imitare humiliter

d *Isaia. 61.*
3-7.

s *Matt. 24.*
28,

tem, quam ipsa habuit in vita, vt cum ea exalteris in futura. Amen.

MEDITATIO XXXVII.
DE HEROICA SANCTISSIMÆ
Virginis humilitate, ob quam
fuit super omnes Angelorum
choros exaltata.



VAMVIS Sanctissima Virgo in
omnibus virtutibus excelluerit
singulariter tamen excelluit in
humilitate, cui eiusdem exalta-
tionem attribuere possumus, se-
quentes Apostoli regulam, de Christo Domino no-
stro dicentis: a quod ascendit, quid est nisi quia
& descendit primùm in inferiores partes ter-
ra? qui descendit ipse est, & qui ascendit su-
per omnes cœlos, vt impleret omnia. Hoc ita-
que ipsum possumus de Matre eius sanctissima
dicere: quæ ascendit super omnes creaturas, quia
ipsa demisit se infra omnes illas; & gloriosissima
duodecim stellarum corona, quam habet in
Cælo, data illi est ob duodecim heroicis humili-
tatis actus, quos exercuit in terra: quos ponam
in hac meditatione, collectos ex omnibus, quæ di-
cta sunt in meditationibus de vita eius: præcipuè
in secunda parte. Et quoniã est quædam humilitas
versus Deum, & humilitas versus reliquos homi-
nes: Et ipsa beatissima Virgo eminet in vtraque
de eis dicemus in tribus subiectis punctis.

a Ephes. 4.9

b Apoc. 12.6

PUNCTVM I.

PRIMUM consideranda est heroica Vir-

V Part. Medit.

D d

ginis

I.